



Republika e Kosovës
Republika Kosova
Republic of Kosovo



REPUBLIKA E KOSOVËS / REPUBLIC OF KOSOVO
KUVENDI KOMUNAL / ASSEMBLY OF MUNICIPALITY / SKUPŠTINA OPŠTINE / SKENDERAJ
Nr. 01-060/01-0007279/25
Bata 26.02.2025
Data



Komuna Skenderaj
Opština Skenderaj
Municipality Skenderaj

Kuvendi i Komunës/Skupština Opštine/Municipality of Assembly

Në bazë të nenit 49, të Ligjit për vetëqeverisje lokale nr. 03/I.-040, të Republikës së Kosovës, si dhe nenit 43 të Statutit të Komunës së Skenderajt Nr.01-110-385, të datës 03.12.2008, si dhe Rregulloren e Punës së Kuvendit nenit 27, e në pajtim me rregullat e procedurës.

Ekstrakt nga procesverbali i MBLEDHJES SË KUVENDIT KOMUNAL SKENDERAJ,
i datës 30.01.2025, ora 10:00

Në këtë mbledhje janë diskutuar këto pika:

1. Fjala hyrëse;
2. Miratimi i rendit të ditës;
3. Shqyrtimi i procesverbalit nga mbledhja e kaluara;
4. Shqyrtimi i Raportit financiar përfundimtar të buxhetit komunal janar-dhjetor 2024, me Nr. 02-052/01-0002664/25, i datës 17.01.2025, (Raporton drejtori i DBF-së, z. **Ismet Aliu**);
Pika shtesë;
5. Vendimi i KQZ-së, për zëvendësimin e anëtarit z. Osman Smajli, me anëtarin e kuvendit z. Azem Gashi, si dhe dhënia e betimit, (Raporton Kryesuesja e kuvendit, znj. **Adelina Spahiu**);
6. Pyetjet e këshilltarëve nën pikat të ndryshme.

Kryesuesja e Kuvendit, znj. Adelina Spahiu: Të nderuar anëtar të kuvendit, drejtor të drejtorive, dhe gjithë ju të pranishëm, shkojmë në konstatime të kuoromit, në sallë janë 27 anëtar, mungojnë me arsye Arjeta Rama, Alketa Mecini, Ferdane Beqiri-Emini dhe Afrim Kabashi.

Para miratimit të rendit të ditës e kemi një pikë shtesë:

-Vendimi i KQZ-së, për zëvendësimin e anëtarit z. Osman Smajli, me anëtarin e kuvendit z. Azem Gashi, si dhe dhënia e betimit;

Shkojmë në votim për futjen në rend dite: Konstatojmë me (27) vota për, (0) kundër dhe (0) abstenim, futet në rend dite Vendimi i KQZ-së, për zëvendësimin e anëtarit z. Osman Smajli, me anëtarin e kuvendit z. Azem Gashi, si dhe dhënia e betimit.

Shkojmë me miratimin e rendit të ditës, e hap debatin, fjalën ja kaloj;

Hysni Mehani-VV: Fjala përshëndetëse, Kërkoj që për këtë rend dite të futet si pikë shtesë një lloje Informate nga ana e kryetarit të komunës në lidhje me drejtorin e dënuar për korrupsion në Leposaviq, Haxhi Bejta në vitin 2015-2017, që tash e kemi një vendim që ky drejtor është dënuar për korrupsion e kurdisje tenderësh në Leposaviq e atë në gjuhën serbe, i njëjti vazhdon me qenë tash drejtor i prokurimit në Skenderaj. Është e nevojshme që na si këshilltar komunal, po edhe si qytetar me ditë së kush e ka qua këtë drejtor në atë kohe në Leposaviq me kurdisje tender serbisht, kush e ka mbajtur atëherë, kush po e mban tash, pse nuk po e shkarkoni një njeri që ka kurdis tender serbisht në Leposaviq e që është i dënuar për korrupsion për çështjet e prokurimit, me vazhdua me qenë drejtor i prokurimit e mos me shkarkua, edhe mos me ja dhënë as një sqarim as asamblesë as qytetarit është e papranueshme edhe po kërkoj me u futë si pikë shtesë një:

Informatë lidhur me drejtorin e prokurimit Haxhi Bejta, nga ana e kryetarit?

Kryesuesja, Dikush tjetër, Kryetari nuk gjendet këtu, e ka një agjendë në Prishtinë dhe nuk mundem me dhënë informata tutje, Shkojmë në votim për futje në rend dite propozimin e Hysni Mehanit, Informatë lidhur me drejtorin e prokurimit Haxhi Bejta, nga ana e kryetarit;

Konstatojmë me (10) vota për, (16) kundër dhe (1) abstenim, nuk futet në rend dite Propozimi i Hysni Mehanit, Informatë lidhur me drejtorin e prokurimit Haxhi Bejta, nga ana e kryetarit.

Vazhdojmë me miratimin e rendit ditës me piken shtesë,

Konstatojmë me (18) vota për, (0) kundër dhe (0) abstenim, miratohet Rendi ditës, me piken shtesë.

Vazhdojmë me piken 3 të rendit të ditës,

-Shqyrtimi i procesverbalit nga mbledhja e kaluara, e hapë debatin, nëse nuk ka shkojmë në votim;

Konstatojmë me (24) vota për, (0) kundër dhe (3) abstenim, miratohet Procesverbalit nga mbledhja e kaluar.

Vazhdojmë me piken 4 të rendit të ditës;

-Shqyrtimi i Raportit financiar përfundimtar të buxhetit komunal janar-dhjetor 2024, me Nr. 02-052/01-0002664/25, i datës 17.01.2025, (Raporton);

Drejtori i DBF-së, Ismet Aliu: Fjala përshëndetëse, me kohe e keni pas Raportin financiar përfundimtar të buxhetit komunal janar-dhjetor 2024, sipas kërkesave ligjore është përgatite gjitha pikat në detaje janë të përfshira, gjitha lëvizjet buxhetore që kanë ndodhur gjatë vitit 2024, duke filluar nga buxheti fillestar që e kemi pas të aprovuara në kuvend komunal, 18,582.310.00€, ndërsa lëvizjet gjatë vitit 2024, shtesë edhe për 2,722.113.00€ kanë rrjedh nga grandit i përgjithshëm 1,186.644.00€, pastaj pjesa e bartjes të hyrave vetanake nga viti 2023 të pa shpenzuara 340 mijë€, dhe nga grandit i performances që e kemi përfitua 603,119.00€, për të pas një buxhet për shpenzim deri në fund të vitit 2024, në vlerë prej 21,304.423.13€. Të hyrat vetanake janë realizua në 93.55%, gjitha mjetet e pa shpenzuara nga tre mujori paraprak janë bartur në tre mujorin në vijim sipas procedurave ligjore. Me vendime gjyqësore përmbarimore të emër të shtesave shujtave licencimit dhe inflacionit janë shpenzuar 2,455.186.46€, të paguara nga kategoritë të ndryshme. Të hyrat vetanake janë realizuara në 93.55%, ose 1,762.696.00€, Buxheti i shpenzuar 20,952.941.40€, 55.93%, Paga dhe shtesa, 11.91% Mallra dhe shërbime, 1.45% Shërbime komunale, 5.24%, subvencione dhe 25.47% Investime kapitale. Në faqen 9 janë shpenzimet sipas kodeve dhe nën kodeve, në faqen 11 është lista e projekteve kapitale që janë shpenzuar 5,337.593.84€ ose 95.73%, sipas planit në realizimin e projekteve janë shpenzuar 4,575.785.13€, me vendime gjyqësore përmbarimore në kategorinë e projekteve kapitale janë marrë 761,808.71€ ose 13.44%. Pjesa e fundit, është shpenzimi i buxhetit neper të gjitha kategoritë sipas të gjitha drejtorive, dhe i kemi obligime të pa paguara për vitin 2024, në total 332,893.93€, në Mallra dhe shërbime janë 124,562.97€, Shërbime komunali 10,984.00€, Subvencione transfere 48,600.00€, dhe Investime kapitale 148,746.93€. Të hyrat komunale që priten për bartje mbesin të pa shpenzuara vitin 2024 do të jenë rreth 235,100.00€ së bashku me gjobat e gjykatave të cilat deri në momentin e hartimit të këtij raporti nuk kemi pas evidencë të saktë. Ndërsa të pa shpenzuara nga grandit qeveritar kanë mbetur 84,053.00€ në projektet kapitale, kjo ishte në pika të shkurta sa i përket këtij raporti.

Kryesuesja: Lista VV, dhe Lista Ideal, e lëshojnë sallën, e hap debatin, nëse nuk ka, shkojmë në votim, Konstatojmë me (17) vota për, (0) kundër dhe (0) abstenim, përkrahet, Shqyrtimi i Raportit financiar përfundimtar të buxhetit komunal janar-dhjetor 2024, Nr.02-052/01-0002664/25, i dt. 17.01.2025.

Vazhdojmë me piken 5 të rendit ditës;

-Vendimi i KQZ-së, për zëvendësimin e anëtarit z.Osman Smajli, me anëtarin e kuvendit z.Azem Gashi, e ftoj Azem Gashin ta lexoj betimin, ja kaloj fjalën:

Azem Gashi-IDEAL: Unë, (*Azem Gashi*) "betohem (ose deklaroj solemnisht) se do t'i kryej me nder, besnikëri, pa anime e me ndërgjegje dhe sipas ligjit detyrat dhe do t'i ushtroj autorizimet e mija si anëtar i Kuvendit të Komunës së Skenderajt, në mënyrë që të sigurohen kushte për jetë të qetë për të gjithë".

Kryesuesja: Shkojmë në votim, Konstatojmë me (24) vota për, (0) kundër dhe (0) abstënim,
miratohet. Vendimi i KOZ-së, për zëvendësimin e anëtarit z.Osman Smajli, me anëtarin e kuvendit
z.Azem Gashi, Urime Azem,
Vazhdojmë me piken 7 të rendit ditës,
Pyetjet e këshilltarëve nën pikat të ndryshme, kërkoj nga sekretaria që këto pyetje mos të kalojnë
në seancën tjerët, me kaq mbyllet kjo mbledhje, shihemi në mbledhjen tjetër.

Procesmbajtësi



Kryesuesja e Kuvendit